

75 200

75 200

75 200

75 200

75 200

75 200

75

75 200

痘疹傳心錄卷之十八 附慈幼心傳

松江李林馥啟賢氏重校

瘦樵程永培校

脾胃

夫人以脾胃為主胃屬陽主氣脾屬陰主血胃司受納脾司運化胃為水穀之海飲食入胃脾乃化生精氣津液上升糟粕下降斯無誤矣至矣至兒夫賴胃氣而生若脾胃失節則脾胃受傷胃傷則不能納脾傷則不能化脾胃俱傷納化皆難而臟腑俱失所養則病生矣故諸病先觀胃氣人生氣血臟腑百骸皆由胃氣而生也又云有胃氣則生無胃氣則死故東垣發脾胃之論使人常以調理脾胃為主若面色皓白血無精光口氣冷少食肌瘦此胃氣虛寒也用小異攻散六君子湯若便溏者兼脾虛也加炮薑藿香溫之中滿者脾不運也加木香開之若喜冷便秘面赤煩渴此胃氣實熱也用瀉黃散清之若命門火衰不能生土者用八味丸補之若稟賦胃氣不足用補中益氣湯八味丸益之若乳母乳汁清稀致兒肌瘦骨立大便溏瀉當易乳母得乳汁濃厚者為佳宜用小異攻加升麻麥芽主之否則胃氣有傷藥雖對症亦不能運化藥力以成功是以東垣以脾胃為主也凡治小兒之病當先審其胃氣至於脾胃泄瀉劉河間則為瀉屬溼惟用苦溫苦寒之藥苦寒瀉溼熱苦溫除溼寒泄止後脾胃虛弱方用參朮等甘溫之藥補之若初泄而使用參朮等藥則甘溫能

生溼熱而反助病邪世人不識往往多用此以為補誤人多矣

一兒十三歲嗜食食後飽脹難化此胃火旺脾陰虛也用人參白朮枳實芍藥石膏甘草黃連香附木香而愈

一兒泄瀉咸用六君子加澤瀉肉果不效余謂甘溫能生溼熱故不愈用甘草芍藥黃連茯苓陳皮柴胡甘寒之藥而瀉止但口渴面色青白此脾胃不足用小異攻散加升麻柴胡而愈

不寐多困

小兒不寐皆由胃氣不和血氣不從故不寐之症生矣治用六君子加遠志酸棗仁又歸脾湯肝腎虛熱者用六味丸心血不足振悸不得眠者真珠母丸精神短乏者人參安神丸胆虛者人參竹葉湯肝火不寧者加味小柴胡湯病後餘熱者當辨虛實治之有因他症不寐各當詳之又多睡者皆由脾氣虛弱健運之令不行而嗜卧也治當溫補其脾脾氣旺則臟腑清陽之氣升舉易於運行何困倦之有治用四君子加木香半夏白朮倍之若脾倦多驚者乃心血虛而火動也治宜安神養血為主若心脾氣虛有疾者用人參麥冬五味茯苓以補心氣當歸芍藥酸棗仁以養心血橘紅半夏以開痰若脾肺氣虛有疾者用補中益氣湯又胆星天竺丸若飲食停滯而然者四君子湯加山查麥芽神麴若脾虛好睡用歸芍六君子湯若乳母飲酒

致兒昏睡者用乾葛陳皮解之不應用四君子加葛根子母並服

人參竹葉湯

人參 竹葉 甘草 半夏 小麥 麥冬 粳米

生薑 水煎服

加味小柴胡湯

即小柴胡湯加山梔丹皮

膽星天竺丸

膽星二兩 半夏 白附鎰五 天竺黃三錢 天麻 防風鎰二 辰砂一錢

右為末甘草膏丸芡實大每一丸薄荷湯化下

人參安神丸

人參一錢 當歸三錢 麥冬三錢 黃連二錢 生地三錢 硃砂二錢 茯神二錢

棗仁二錢

右為末猪心血丸如芡實大硃砂為衣燈心湯化下

腫脹

小兒腫脹未有不由飲食內傷脾胃虧損而致者其症有二曰氣腫曰水腫氣腫者由脾胃虛弱脾主肌肉肺主皮膚土弱不能生金致虛氣上攻於肺行於面目遍身

浮腫也治法調脾行氣為主五子五皮飲水腫者因上焦煩渴引飲而脾虛不能約制其水水反侮土土隨水行上衝於肺流走於脾膚而光腫也治法實脾利水為主胃苓湯至於喘脹兩條須分先後節齋曰先喘而後脹主於肺先脹而後喘主於脾蓋小便之行由肺氣降下而輸化也若肺受邪而喘則生降下之令故小便短澁以致水溢皮膚而腫滿矣此喘為本而脹為標也治宜清金降氣而行水兼之脾土惡溼土能尅水若脾土受傷不能制水水既上溢則邪反侵肺氣不能降而生喘矣此脹為本而喘為標也治宜實脾行水而清金兼之苟肺病而用燥脾之藥則金得燥而喘愈加脾病而用清金之藥則脾得寒而脹益甚近世治喘脹但知實脾行水而不知分別脾肺二經誤矣又有脾胃虛弱溼熱積而為腫者用瀉黃散胃苓湯又有瀉後痢後瘧後痘後諸病後脾虛發腫者宜調補脾胃為主六君子湯補中益氣湯又有脾腎虛寒不能司攝而水泛行如蠱脹者用加減腎氣丸補命門火以生脾土間服六君子湯又有遍身膿瘡發腫治宜先去溼熱次用敗毒散以解表邪 或問曰小兒水腫俗云河鯽用草藥煎洗又用雞子清口含吸臍并手足指頭前後心而愈者何也曰此內症已平但表受水溢浴洗則肌暢肌暢則微汗邪可散而愈也若內症不平浴洗雖愈未幾必復腫矣

一小兒遍身光腫余審其能食便調身熱脈浮謂曰內症平和此水氣在表宜解散

之用敗毒散去人參加紫蘇陳皮令汗出自漸消而愈總之斯症當辨經絡虛實標本先後而治不可拘泥

一小兒瘧後遍身浮腫咸謂脾虛用六君子湯加黃連芍藥木通腹皮鱉甲澤瀉木香煨薑不效發熱煩渴或謂土燥而又進以燥劑面目浮腫愈甚宜苦寒之劑潤之用芍藥花粉知母黃連柴胡生地茯苓木通漸愈

草藥方 浴洗水腫

河鱒草 車前子

野紅花根

芭蕉葉

枇杷葉

枸橘葉

把一

煎湯洗浴

稠柳餅 治水腫

稠柳子

梗葉似梅七八月採子曬乾

右為末每用之兩大米粉和作餅蒸熟食之弱和腫消愈

腹痛

小兒腹痛有飲食停滯而脹痛有積滯作痛有蟲痛有火痛有寒痛有虛痛有腸胃中生癘毒而痛有盤腸內吊痛不可不辨 飲食停滯而痛者皆由飲食不節或過餐堅硬之物脾弱不易化而腹脹痛也其候按之堅痛身熱惡食治宜消化之劑香砂丸消導二陳湯甚則以遇仙丹烏犀丸下之 積痛者皆由飲食自倍脾虛不運停滯中脘久而成積腹痛欲便便下酸臭便後痛減或閉澀其症面色痿黃身熱

不思乳食足冷嗜卧治宜遇仙丹下之下後以小異攻散和之若成癖痞治見癖條
蟲痛者有蛻蟲長尺許或五六寸居胃脘之間動則吐清涎撲身啼哭面黃唇白
時痛時止治宜安蟲飲烏梅丸又寸白蟲居腸胃之間動則傷人精氣又有一蟲形
若細絲或飲食中誤吞油髮所變亦居胃中動則腹中刺痛不可忍皆由恣食肥甘
煎煇濕熱鬱遏所致并用史君子丸又有血驚動則刺心而痛面黃肌瘦能食皆由
過食堅硬之物不化為血裏成形漸大而活久則殺人治宜追蟲取積散下之○火
痛者口中氣溫面赤壯熱飲冷治用瀉黃散利之○寒痛者口氣冷不思飲食嘔逆
泄瀉此寒水侮土也治用六君子加炮薑肉桂甚則加附子○虛痛者消導後其腹
尚痛按之不痛是也治用小異攻散補之若痛連兩脇乃肝木乘脾也用四君子加
柴胡芍藥主之○腸胃中生瘧毒而痛者皆由脾虛積熱氣血凝滯所致方論見外
科條 盤腸內疝痛論見前本條

一女子十五歲胃脘痛甚則號哭嘔吐清涎或半月或月餘而發患此數年醫藥不
效余用張義古文錢 三分同好核桃肉半個油核桃肉半個同研爛好酒調下
其痛反甚痛漸行下至小腹便行一二次即愈此芝田先生傳也若氣鬱食滯而
發者用傳心錄內治心氣痛藥一服利下即愈此僧徹空傳也

一兒歲餘號哭不已醫藥不效余謂色脈俱好審其仰身則哭甚合身稍止活幼曰

若嬰兒色脈俱好而病者必有他故細揣背上微紅腫以手按之大哭用針撥開
摘出乃竹刺也痛定即安

追蟲取積散 治蟲積

牽牛二兩 雷丸一兩 木香五錢 蕪荑五錢 蓬朮五錢 錫灰五錢 大黃二兩

史君子錢 檳榔一兩 乾漆五錢

右為末每用一錢好酒調下或麵糊丸麻子大天明猪肉湯送下大小加減

烏梅丸 治虵蟲動痛

烏梅個三十 細辛 桂枝 黃柏 乾薑 黃連銖一 當歸

蜀椒

右為末酒浸烏梅一宿去核蒸之用米飯搗和丸桐子大每用二十九空心白滾

湯送下

諸熱

經曰陽勝則外熱陽虛則外寒陰勝則內寒陰虛則內熱陰陽相勝則寒熱往來又
曰陽不足則先寒後熱陰不足則先熱後寒陰陽不歸其分則寒熱交爭也發熱治
法宜辨所因有因外感風寒而熱者有感疫毒之氣而熱者有中暑而熱者有注夏
而熱者有感溼而熱者有驚風而熱者有飲食停滯不化而熱者有疳積而熱者有

五臟之熱有氣虛發熱有血虛發熱有潮熱有骨蒸熱有表熱有裏熱有痘疹發熱有諸病後發熱有瘡瘍發熱有變蒸發熱○傷風而熱者頭疼鼻塞聲重喘嗽痰涎惡風手背熱治宜芎蘇散表散之○傷寒而熱者初發頭疼目痛身體拘急耳聾脇痛惡寒發熱治宜麻黃桂枝湯表之○疫厲而熱者皆由元氣不足感乖疹之氣治宜正氣散敗毒散十神湯五瘟丹截瘧丹方見十五卷○中暑而熱者長夏溼熱之令人感之則四肢困倦精神短少胸滿氣促乳食不思身熱頭疼自汗煩渴經曰靜而得之為中暑動而得之為中熱中暑者用清暑益氣湯中熱者黃連香薷飲十味香薷飲夾食者本方加消導藥暑瀉六和湯益元散○注夏而熱者皆由脾胃不足遇長夏潤溽之令則不能升舉清陽健運中氣又少陽相火之時熱傷元氣則肢體怠惰四肢痿弱嗜卧發熱精神疲倦飲食少思口中無味小便赤澁大便不調名曰注夏皆由稟元氣不足而然也治宜補中益氣湯去升麻加炒黑黃柏麥冬又生脉散主之○感溼而熱者經曰諸溼腫滿皆屬脾土夫溼之為病有從外感而得者或處卑溼之地而得者或逢遇風雨而得者或汗溼沾衣而得者或恣飲酒漿醴酪而得者或多食柑橘瓜菓之類而得者治宜滲濕湯茵陳五苓散羌活勝濕湯又曰溼在上宜微汗之在下宜利小便使上下分消其溼自除也故曰治溼不利小便非其治也○驚風而熱者論見驚風條○飲食停滯而熱者論見傷食條○疳積而熱者

論見疳症條○五臟之熱者心肝脾肺腎也心熱者額赤心煩手心熱或壯熱飲水噦惡巳午時益甚導赤散肝熱者左頰赤便難轉筋尋衣捻物多怒多驚寅卯時益甚瀉肝散脾熱者鼻赤倦怠嗜卧身熱飲水過夜益甚瀉黃散肺熱者右頰赤手指眉目喘咳日西熱甚瀉白散腎熱者頰赤足熱甚骨蒸如蟲蝕夜間益甚六味地黃丸○氣虛發熱者氣短不續面色青白自汗乳食少思手足指冷午前熱甚治宜小異攻散補中益氣湯○血虛發熱者發熱惡寒兩頰赤色唇口鮮紅四肢無力午後熱甚治宜四物湯又地黃丸滋肝腎○骨蒸熱者身體虛羸遇晚發熱微汗方止用補中益氣湯加地骨皮青蒿鱉甲又六味地黃丸主之○潮熱者如潮水之應期而至也有風寒疳積食痞之分陰陽虛實五臟之異各當詳辨○表熱者陽盛則外熱以手輕捫之則熱重按之不熱此皮膚血脈之熱熱在表也壯熱惡風寒為元氣不足表虛熱也壯熱不惡風寒為外邪客表表之實熱也○裏熱者以手按之筋骨分則熱輕手則不熱此筋骨之熱熱在裏也壯熱煩渴飲水溺赤便結裏實熱也壯熱飲水溺數裏虛寒也○疳疹發熱者呵欠悶瞋時發驚悸乍涼乍熱兩腮頰赤目淚汪汪噴嚏昏睡嘔噦搐搦耳聾俱冷也○諸病後發熱者當辨虛實經絡而治之○瘡瘍發熱者論見本條○又有乳母七情厚味飲食停滯遺熱於兒而發熱者或小兒恣食肥甘或衣衾過暖或頻浴熱湯積熱於內而發熱者各當詳之乳下嬰兒當兼

治其母又小兒未斷乳母復有孕兒飲其乳肌肉羸瘦髮黃壯熱大便不調名曰魃病有曰繼病令兒斷乳用消乳丸導之小異攻散補之有曰變蒸之熱輕則發熱微汗其狀如驚重則壯熱吐瀉煩渴啼哭此變蒸也不須用藥○凡治諸熱宜用溫平之藥和其裏則體熱自除但不可用大寒之劑攻之熱退則寒起變為他症慎之一兒感時氣身熱用發散之劑而熱不退余用甘草芍藥黃芩黃連防風知母花粉元參而愈

滲溼湯

黃芩

黃連

山梔

防己

白朮

蒼朮

青皮

陳皮

赤茯苓

澤瀉

茵陳

豬苓

水煎服

羌活勝溼湯

羌活

獨活

防風

川芎

藁朮

甘草

黃柏

蔓荊子

蒼朮

水煎服

痘病

諸痘項強皆屬於溼諸暴強直皆屬於風痘之為病溼為本風為標然小兒痘病多因驚駭停食或乳母六淫七情飲食失宜所致更當審之兼治其母若面目赤色無汗惡寒牙關緊急肢體反張一身強硬痰涎壅甚小便赤澀終日不甦先謔語而發

者名剛症風性剛急故也若大便滑泄不語不渴有汗不惡寒先四肢厥冷而發者名柔症溼性柔和故也並以小續命湯剛症去附子柔症去麻黃若壯熱譫語口渴手足微冷大便溇泄此兼剛柔如無汗用葛根湯有汗用桂枝加葛根湯若痰壅氣盛用南星半夏茯苓以清痰積實陳皮紫蘇以順氣熱輕者用敗毒散熱盛者用小柴胡湯剛症內熱便秘用大承氣湯下之大柴胡湯解之柔症用附子理中湯溫之六君子湯補中益氣補之若延綿則難治也又有大病後筋脈攣急而為角弓反張此血脫無以養筋不可作風治宜用黃耆當歸煎亦用四物湯加附子防風羌活

小續命湯

麻黃

人參

黃芩

川芎

芍藥

甘草

杏仁

防已

官桂

防風

附子

水煎服

敗毒散

柴胡

前胡

川芎

枳殼

羌活

獨活

茯苓

桔梗

人參

甘草

生薑

水煎服

葛根湯

治剛柔症無汗惡寒

葛根

麻黃

赤芍

豆豉

蔥白

水煎服或加羌活防風

桂枝加葛根湯 剛柔有汗

葛根

赤芍

甘草

桂枝

水煎服或加羌活防風

諸血

經曰肺朝百脈之氣肝通諸經之血又曰氣主煦之血主濡之蓋榮血者水穀之精氣也灌溉臟腑調和百脈若脾胃有傷榮衛虛弱行失常道故血妄行從胃上溢為吐血從胃上溢為吐血從肺上溢為衄血又吐咯血者出於腎也咳嗽血者出於肺也降下則便血溺血未有不因熱而得也然小兒或稟賦積熱或乳母六淫七情厚味積熱傳兒或兒恣食肥甘煎燻積熱而致或感殄厲之氣而血滲溢所致或居重墜暖閣火氣薰逼不令常見風日積溫成熱所致治法若氣虛者用四君子補之氣血兩虛者用四物加參朮腎虛者六味地黃丸肺胃熱者犀角地黃丸黃連解毒湯衄血者此脾胃傳熱於肺而不能統也宜用六君子加甘桔當歸山梔黃芩吐血者胃中積熱也麥門冬飲清胃湯犀角地黃丸若血去多煩燥脈洪大按之如絲尋衣撮空無氣以動乃血脫也經云血脫益氣宜用加減八味丸又獨參湯加附子便血者糞前見血為近血乃大腸積熱也用黃連解毒湯加炒槐花糞後見血者為遠血乃胃中積熱用清胃湯久不止者用補中益氣湯加黃連瀉血者如實熱用清心蓮子飲虛熱用六味地黃丸若稟父腎燥者用六味地黃丸乳母積熱者用加味清胃

散鬱怒者加味小柴胡湯憂思者加味歸脾湯俱加漏蘆子母並服○凡治失血當審氣血虛實病因隨經施治不可見其血盛以為熱劇過投涼藥使血受寒不能歸源而妄流其色紫黯而凝滯也

一兒痢後脾虛糞後有血久不愈用小異功散加升麻黃連愈

一兒十五歲便血身熱為腸風下血用生地芍藥丹皮荆芥苦參黃連條苓十劑愈
麥門冬飲 治吐血久不愈

五味

麥冬

黃耆

當歸

人參

生地

水煎服

清心蓮子飲

黃芩

麥冬

骨皮

車前子

甘草

茯苓

黃耆

石蓮肉

人參

柴胡

水煎服

歸脾湯 治脾虛健忘驚悸憂思

人參

茯苓

龍眼肉

黃耆

棗仁

白朮

當歸

遠志

木香

甘草

生薑

紅棗

水煎服

汗

夫汗者心之液內經主於心東垣主於胃蓋心為君火主熱胃為中土主溼溼熱相搏為汗明矣其自汗者無時而出動則為息屬陽虛胃氣之所司也盜汗者寢中通

身如浴覺而方知屬陰虛滯血之所主也自汗宜補陽調衛補中益氣湯加麻黃根浮小麥門冬盜汗宜補陰降火四物湯加黃耆小麥黃連蓋小兒氣血未充膚腠未密若厚衣溫暖薰蒸臟腑而生熱搏於心為邪所勝故液不能內藏薰出肌膚則為盜汗也又有傷於冷熱冷熱交爭陰陽不順亦令睡中汗出其間有虛有實不可不辨○又有脾虛泄瀉自汗身冷而出有時過瀉則無瀉過則汗此症大虛治宜六君子湯附子理中湯主之○有肺虛自汗因久嗽肺氣虛上壅而汗出治宜補肺調脾為主○有慢驚自汗其冷如水最為惡候治同慢驚○有客冒風寒發熱汗出治見傷風條○有因傷風醫過表散致表虛自汗者宜保元湯主之

黃疸

內經曰諸溼腫滿皆屬脾土又曰黃色屬脾蓋小兒黃疸皆由飲食所傷又溼熱之氣蘊積於脾胃蒸發而成也其候面目指爪小便偏身著物皆黃是也治宜去脾家溼熱積滯且補散遇仙丹之類溼甚者茵陳湯利之又有爪目不黃而偏身皆黃弱赤者乃脾溼勝而為之黃病治宜瀉黃散等主之○有病後脾虛發黃肢體浮腫者宜六君子湯加茵陳主之

茯苓溼湯 治小兒食疸

四苓散合平胃散加黃連山梔仁茵陳山查麥芽枳殼

茵陳湯 治黃疸

茵陳 山梔

大黃

水煎服

瀉黃散 治脾經溼熱

黃連

茵陳

黃柏

黃芩

赤苓

山梔

澤瀉

水煎服

朴硝膏 治小兒大人黃疸

用朴硝四茶匙以雞子一個攪勻用井水和勻一碗每日空心服用七服為率

弱者間一日服

草藥方 治大人小兒黃疸

地蜈蚣草

四兩連根

挂山龍草

四兩連根

右剉用白酒連瓶煮熟空心服

小棗丸 治大人小兒黃疸

厚朴

四兩

蒼朮

八兩

陳皮

四兩

甘草

二兩

綠礬

四兩

透明者以黃

米粉四合同炒乾

右為末棗肉丸如桐子大每用五十九空心清米湯送下

惡核瘰癧

皆由風熱毒氣所干與氣血相搏鬱結成核如貫珠於耳項之間不消不潰若復客風熱搏於津液則潰化濃血此屬肝胆二經部分治宜滋腎水清肝火皂角子丸柴

胡清肝散若因疳積所致用疳積散六味肥兒丸若脾虛而肝木乘之面色清白用
小異攻散加蕪荑柴胡川芎白芍若潰而不斂乃氣血虛也用益氣養榮湯外用松
香海鯉鮪為末香油調搽

皂角子丸 治肝膽風熱癩癧

皂角仁二兩連翹八錢當歸

柴胡

白芍藥

山梔

川芎

膽星

紫背天葵各一兩

龍胆草

甘草

桔梗

各四錢

右為末米糊丸小豆大每用一錢白湯送下

皂角膏 貼惡核

大皂角

性去子燒存
八錢

糯米

一合炒
褐色

草烏

乾薑

赤芍

各一兩

南星二兩

右為末蔥酒調塗日易二次

益氣養榮湯 治潰而不斂

參朮四物湯加柴胡貝母黃耆銀花桔梗皂角

刺夏枯草

水煎服

時毒

小兒時毒因感四時不正之氣致頭面耳項赤腫寒熱頭痛狀如傷寒若邪在表用
葛根甘草赤芍升麻牛蒡羌活柴胡防風荆芥薄荷邪在裏用大黃山梔牛蒡枳殼

鬱金升麻或用防風通聖散

耳聾

腎通竅於耳由風邪乘於手太陽邪隨其經入於耳內邪正相搏氣停塞滯不能聽於聲者也用通鳴散菖蒲丸又有稟腎氣不足或大病後而耳聾者用六味地黃丸加黃柏知母枸杞

通鳴散

菖蒲

遠志略一柴胡

麥冬

防風

錢五細辛

葶藶錢二

杏仁

剉四磁石一分

右為末每用五分食後蔥白湯調下

菖蒲丸

菖蒲二錢巴豆

右研為劑分作七丸每用一丸用綿裹塞耳內一日一易

耳內出膿

枯礬

海鯧鮓各一錢

麝香少許

共為末先以綿撚條子振耳中膿盡搽藥入耳內

齒病

小兒齒病者由風熱邪毒干於手足陽明二經隨經入於齒齦則宣爛臭氣有血或恣食肥甘辛熱而致用清胃湯加石膏又甘露飲又用大皂角一條羊脛骨一具並以火煨烟盡以盆覆之候冷為末如常揩牙又方用肥皂一個去子滿填鹽在內炭火燒烟盡放冷為末揩患處有涎吐出

甘露飲

生地

天冬

麥冬

枇杷葉

枳殼

黃芩

石斛

茵陳草

水煎服

固齒方

七月取旱蓮草連根一觔用無灰酒洗淨用青鹽四兩食鹽一兩醃三宿晒乾將無油鍋內炒存性把厚汁漸傾入炒乾為末擦牙嚙下亦妙

口疳瘡

皆由胎中受熱或恣食肥甘炙燻積溫成熱客心脾薰逼上焦而成口瘡或疳生走馬甚致齒齦黑爛腮頰穿破治法先去積熱用導赤散合清胃散消毒飲牛黃散中白散若乳母味厚七情致兒為患者用加味清胃散加味逍遙散俱加漏蘆母子俱服又瘡生於口兩角開口則裂痛此脾家積熱也用當歸散又因滯頤涎從口出浸清頤頰口角生瘡用桑根皮汁塗之又殺羊角燒反臘豬油調塗又因膀胱移熱

於小腸膈腸不便上為口糜潰爛用涼膈散牛黃散四順清涼飲
消毒飲

當歸 川芎 生地 赤芍 連翹 山梔 黃連

甘草 水煎服

涼膈散

大黃 朴硝 甘草 山梔 連翹 黃芩 薄荷

竹葉 水煎服

牛黃散 兼治痘疹後口瘡

黃牛糞後共曬乾地上堆定作屋狀以燈點著燒至欲過存性盆子合定今作

黑灰勿令白研為末錢二牛黃分黃柏末錢二共和勻為末敷之

解顛

解顛者兒生下顛大頭縫不合如開解腎主骨而腦為髓海腎氣有虧則腦水不足
故不合也故曰人乏腦髓如木無根不遠干日終為廢人此乃無辜之疾治之何益
錢氏用六味地黃丸調元散仍用南星末調傅以緋帛焙熱貼之

調元散

人參 茯苓 山藥 白朮 白芍 地黃 當歸

解顛

上海千頃堂書局

川芎

甘草

水煎服

顛填

顛填者顛門腫起也由乳哺不節飢飽失時或寒熱乘於脾胃致臟腑不調其積熱氣上冲於腦故填脹顛突而高如物填其上也治宜大連翹飲又封顛散掩之

顛陷

顛陷如坑者由病久氣血虛弱不能上充於腦髓也治宜固真湯又狗骨灸為末雞子清調敷之

天柱骨倒

天柱骨倒乃項軟也由真氣虛弱客邪侵襲風府傳於筋骨則項軟垂下而無力也治宜祛風散調元散又地黃丸加鹿茸牛膝又附子南星等分為末薑汁調貼患處祛風散

防風

川芎

白芷

黃芩

細辛

甘草

羌活

薄荷

當歸

水煎服

五軟

五軟者頭軟手軟肌肉軟脚軟口軟是也皆由胎氣不固生下精髓不充又為六淫所襲而為之也○頭項軟者腎主骨腎虛所致也或因吐瀉久脾弱而得者補脾胃

為主六君子湯加肉桂炮薑風邪侵襲者祛風為主○手軟者兩手筋縮不能舒伸無力以動也宜薏苡仁當歸秦羌酸棗仁防風羌活荆芥等分為末蜜丸芡實大白湯化下○脚軟者骨髓不滿氣血不充筋弱不能束骨而行遲也宜地黃丸加牛膝五加皮鹿茸虎脛骨為主○身軟者肉少皮寬飲食不為肌膚也宜補脾胃為主○口軟者心神不足則古本不通而不能言語也宜人參石菖蒲麥冬遠志川芎當歸各二錢乳香硃砂各一錢為末蜜丸米湯化下又有稟氣不足則髓不能充骨而齒不生者宜補腎丸又十全大補湯加知母黃柏主之

五硬

仰頭取氣動搖難氣壅疼連胸膈間脚手心如冰冷硬斯為風客命難還 又曰肚大青筋急不寬積氣消除便即安只恐面青心腹硬縱投羌活散難痊

龜胸

此症皆由客感風熱凝泣為痰停滯心胸咳嗽喘促肺氣脹滿攻於胸膈而漸成龜胸治宜寬氣化痰為主或乳母過食辛辣或夏哺熱乳亦成斯症

龜背

此症皆由小兒失於護背客風吹背傳入於髓故背突如龜殼之狀或強令坐早或咳嗽久肺虛腎無生氣腎主骨風寒乘虛而入於筋骨其邪凝滯精血不能流通故

痘疹傳心錄 卷十八 重舌 重腭 滯頤 鶴膝
背骨凸出而跖治法先驅風健脾兼滋陰壯水為主得肺氣足而生水精髓固而流通則愈終不能脫然如故

重舌木舌

重舌者近舌根生形如舌而小也木舌者其舌腫硬漸漸粗大塞滿於口皆心脾極熱而然也用朴硝紫雪白鹽同研每半錢竹瀝井水調敷

重腭重齦

重腭者口中上腭薄皮腫起如囊盛水 重齦者牙牀腫起如核是也以針刺破去血用蒲黃敷之

滯頤

滯頤者涎流出而清於頤間也脾之液為涎脾胃虛冷不能收制其津液故流出於頤也溫脾丹主之

溫脾丹

半夏

丁香

木香銕五 乾薑

白朮

陳皮銕五分

右為末糊丸黍米大一歲兒十九丸米湯送下

鶴膝

此候稟受腎氣不足血氣不充故肌肉瘦瘠兩腿細小其膝腫大伸屈艱難如鶴之

狀故曰腎虛則精髓內耗膚革不榮易為邪氣所襲治宜驅風散又地黃丸加牛膝鹿茸主之又有瀉痢久而為是症焮腫紅赤作痛成膿以補中益氣湯固脾土為主愈又有腫硬不痛色白者不治也

便濁

白濁者尿白如米泔狀也因乳哺不節致傷脾胃故清白不分而溺白也久則成泔治宜人參甘草當歸木通猪苓赤芍赤茯苓青皮川萆薢主之如赤濁者心熱下流滲入於泡治用生地黃小蘗木通山梔赤芍滑石甘草黃柏淡竹葉赤茯苓車前草葉水煎服 有脾虛食積溼熱下注而小便如泔者醒脾丸主之又四味肥兒丸

遺尿

腎主水與膀胱為表裏經曰膀胱者州都之官津液藏焉腎與膀胱之氣虛寒不能約制津液故睡中遺出或常常遺出不覺內經謂膀胱不約為遺溺用破故子散雞腸散若脾胃氣虛者用補中益氣湯加破故子山茱萸若稟父腎與膀胱虛者用六味地黃丸

破故子散

破故子為末每用一錢白湯調下

雞腸散

雞腸草一兩 牡蠣三錢 龍骨 肉桂 桑螵蛸 茯苓各五錢 水煎服

諸淋

淋者腎與膀胱熱也二經相為表裏俱主水道水入小腸下行於胞則為溺若膀胱熱則津液內涸水道不通則小便淋漓小腹引臍連莖中痛也夫淋有五沙淋者腎主水水為熱結化為砂石內塞水道痛引膀胱沙出痛止用五淋散氣淋者肺氣壅熱小腹脹滿小便溢滯而痛宜清肺為主血淋者心熱血散失其常道滲溢入胞五淋散加小蓴滑石車前子寒淋者膀胱氣冷與正氣交爭寒氣勝發寒戰而後溺八味丸正勝則寒戰解而溺溺出少溢小腹連莖中痛甚者溺白如膏一名膏淋六味肥兒丸若因乳母情慾厚味積熱傳兒為患者用柴胡梔子散柴胡清肝散加味清胃散若稟腎熱為患者先用五淋散又滋腎丸地黃丸又心熱者清心蓮子飲腎熱者六味地黃丸肝熱者柴胡梔子散脾熱者瀉黃散脾虛者小異攻散脾氣下陷補中益氣湯肺實熱者瀉白散肺虛熱者小異攻散加炒黑山梔此五臟蓄熱所致而治也甚不可輕用寒涼之藥以損胃氣

柴胡梔子散

柴胡 山梔 丹皮 茯苓 川芎 芍藥 當歸

牛蒡 甘草 水煎子母並服

柴胡清肝散

柴胡

黃芩

膽草

川芎

芍藥

山梔

連翹

甘草

漏蘆

水煎服

加味道遙散

當歸

甘草

芍藥

茯苓

白朮

柴胡

丹皮

梔子

漏蘆

水煎服

加味清胃散

升麻

生地

丹皮

黃連

當歸

柴胡

山梔

水煎服

五淋散

赤茯苓

赤芍

當歸

甘草

山梔子

燈心

水煎服

瀉黃散

藿香

甘草

山梔

石膏

防風

水煎服

茯苓散

治小兒白濁

三棱

蓬朮

砂仁

赤苓

五

青皮

滑石

甘草

各一分

右為末每用一錢燈心湯調下

君朴散 治白濁久則黃瘦不長肌肉

史君子 厚朴 黃連 兩各一 木香 三錢

右為末每用一錢米湯下

大便不通

小兒大便不通乃肺與大腸有熱熱則津液少而便秘用四順清涼飲又潤燥丸潤字丸若積滯不通者遇仙丹血虛燥熱不通者柏子仁膏若乳母情慾鬱火或厚味積熱傳兒為患者用加味清胃湯加味逍遙散子母並服若稟賦怯弱而便秘者用六味地黃丸

柏子仁膏 治大便不通

柏子仁 松子仁 胡桃仁 各等

右研膏如彈子大白湯化下

通聖餅 治大便小便不通

黃連末 錢 巴豆 五粒 獨即蒜 鹽 五分 皂角末 錢

右研爛捻餅子寸半闊貼臍上立通

又方

用桐油子大便不通酒磨大頭小便不通酒磨小頭酒化下即通

小便不通

小便不通由肺燥熱不能生水治當清肺中之熱而滋水之化源用黃芩黃連天花粉知母木通麥冬茯苓甘草若脾溼氣不升治當健脾土而生肺金治先瀉黃散又六君子湯若膀胱有溼溢其流用金沙散木通散五苓散加木通車前子若脾胃氣虛不能通調水道者補中益氣湯加肉桂若稟腎虛陰燥者六味地黃丸若乳母厚味積熱者加味清胃湯子母並服一兒脾虛痞滿小便不通用白朮澤瀉人參茯苓滑石愈

一兒小便赤澀煩躁睡卧不寧謂心經壅熱用導赤散加黃芩麥冬赤茯苓竹葉煎服愈

一兒十五歲怔忡夢泄面白肌瘦用補中益氣湯加麥冬遠志黃柏又六味地黃丸料加黃柏牡蠣間又服佛座鬚丸漸愈

郁李仁膏

郁李仁研 兩 滑石研 兩 大黃炒為末 兩 酒

右和研丸黍米大每用二十九薄荷湯下

木通散 治小便不通

木通 滑石 牽牛 燈心 蔥白 水煎服

金沙散 治小便淋瀝不通

鬱金 海金沙 滑石 甘草 燈心 地膚子 木通 水煎服

又方 治小便不通

麝香一分 蔥白頭 馬蘭頭 食鹽

右藥用田螺肉同搗爛作餅貼臍中即通

治小兒小便腫脹

用蚯蚓糞為末煎甘草汁調塗上

又方

用人尿或狗屎燒反存性為末香油調塗

佛座鬚丸 專治夢遺

茯苓一兩 黃柏四兩 砂仁 遠志 猪苓 茱萸肉 蓮鬚

兔絲子五錢 甘草八錢

右為末山藥糊丸梧子大每用三錢空心白湯下

諸瘡

小兒瘡疥由乳食失節或早嗜肥甘煎炒或外感六淫臟腑積熱或乳母厚味辛辣七情內火所致當分表裏虛實標本調其血氣平其所勝切不可用寒涼化毒之劑

有傷真氣嬰兒當兼治乳母為上若偏身肥瘡脹痛膿水淋漓肢體虛浮此脾肺溼熱也用瀉黃散四順清涼飲水銀膏若瘡疥乾癢爬搔不寧此風熱與血熱相搏用柴胡清肝飲當歸和血飲大風子膏又頭瘡常有膿血溼汁經歲不愈用松香苦參黃連各五錢大黃胡粉水銀枯礬蛇床子各三錢為末臘豬調搽

拊胎毒瘡

胎毒之由皆娠母情慾七情妄動辛酸煎煇多嘗蓄毒傳於胎中嬰兒其毒未有中而不發雖至貴至賤莫不皆然若其發也或為胎剝或為疥癬或偏身膿瘡糜爛成片或胎毒流注或丹腫遊風或偏體紫黑等症名各不一○稟元氣足者雖毒熾能易化解稟元氣弱者毒雖輕而難治也大法當察其稟之厚薄毒之淺深解利為主犀角解毒湯合導赤散蓋解利之藥性情涼而滑潤亦有宜過投何也曰乳兒未受穀氣如萌芽嫩脆稍有不謹遂有泄瀉難以救治故首尾用藥宜固正氣為主兼利水益脾隨症活潑斯為王道○亦有乳母素有鬱熱或亦恣食辛辣煎炒生冷雞魚等發物流入乳中令兒哺之血熱相搏發為瘡腫等症治宜散解乳母之蘊熱兒亦服之可也故經曰母安則子安母病則子病

一兒生下赤溜余用乾荷葉為末乾摻之如乾用香油調搽

一兒患赤遊丹腫余以磁針砭出惡血以前方治之愈否則延入腹者不治

一兒患胎毒流注余先以發解之劑起者以錢錘散圍之將起者玉露膏散之又以著參託裏散成膿毒化愈

一兒患症如前只以涼藥塗之腫雖退毒倒陷喘脹搐搦而斃○啟雲先生謂胎毒瘡不宜服藥乳母調適得宜乃不藥之藥也余嘗徧告於人不與藥用余之言無不皆愈儒門事親曰噫班固真良史嘗云有病不治得中醫若病久漸至衰羸當合宜而治不可拘泥

一兒患胎毒瘡發解太過有傷胃氣或以湯藥敷洗瘡雖愈毒反內攻喘脹而卒○有胎毒瘡久而收於滿頭連額有痂或成黃膿何也蓋頭者諸陽所會之處洪範五行火曰炎上熱毒上攻兩陽相灼而然也法當解陳莖之積熱道心經之煩燄斯可矣百解散合五和湯及四黃散敷之愈

一兒患胎毒瘡徧體潰爛余以甘草苦參防風煎湯浸青布衣二領晒乾令兒換著身上內服清解之劑愈

一兒患胎毒瘡久稍愈面色枯白瘡痕少神余謂毒盡外出宜補益之否則元氣脫絕慢脾不治以保元湯加當歸芍藥金銀花治之而愈

一兒患胎毒瘡頓然而愈驚搐喘脹咸謂夾食驚風用涼驚消食藥治之愈甚余謂瘡毒倒陷以和解毒湯治之其瘡復發諸症悉平但面目少神肌肉羸瘦乳食不化

謂中氣不足以保元湯合四君子湯加防風金銀花固中氣為主其瘡收至頭上又犀角解毒凡漸解而愈一有不從前治喘脹而卒一有瘡雖發外不以調補漸為疳症不治

胎毒發丹

皆由胎毒內伏或頻浴熱湯或久卧火坑或乳母過食煎燂辛辣或七情內鬱助邪為患或發於頭面或發於四肢胸背色赤遊走不定治以砭出先宜發解必犀角消毒凡大連翹飲中病即止

一兒患此乳食如常二便清調余謂毒盡出於肌表宜砭出毒血自愈不從外敷內服皆寒涼藥反毒內攻喘脹而死

一兒患此外勢雖輕二便秘結乳食減少余謂毒在臟以百解散發出其勢雖重而內症悉平以大連翹飲及砭法愈

砭法 令口吮毒血各聚一處用磁鋒以筋頭劈開夾之用線縛定用磁芒對聚血處再用筋頻擊刺出毒血為妙如患在頭者用針挑患處出血為妙遲則入腹入腎難治矣

大凡胎毒瘡腫等症當分陰陽虛實而用內治之法不可概以寒涼敷塗之藥蓋曰血氣得寒則不能運行毒凝滯而不化也

一兒胎毒發赤遊丹腫先百解散發之頭目皆腫又犀角荆芥防風甘草牛蒡子赤芍愈

一兒百日内胎毒發丹腫傳過咽項耳後頂上出膿用犀角消毒飲愈

一兒患胎毒偏延頭面赤腫用敷藥塗之火毒入目其目珠突出而瞎

一兒患此以敷藥塗之腹脹喘搐而死

一兒患症似前用百解散而復赤腫用犀角解毒丸加人參愈

一兒傷食發丹大便秘結用保和丸四順清涼飲通之愈

一兒因乳母食炙燻辛熱致兒為患者用加味道遙散加味清胃湯母子並服愈

柴胡清肝飲 治肝經風熱瘡毒

柴胡 丹皮 茯苓 山梔子 川芎 白芍 牛蒡子

當歸 甘草 連翹 水煎服

當歸和血飲 治瘡疥

四物湯加連翹牡丹皮荆芥防風

加味清胃湯

升麻 丹皮 生地 黃連 當歸 柴胡 山梔 水煎服

犀角消毒飲

犀角

生地

當歸

赤芍

荆芥

防風

連翹

牛蒡

丹皮

黃芩

甘草

薄荷

水煎服

赤遊火丹

此候皆由內有積熱薰發於外被風熱毒之氣所干搏於血氣則皮膚赤腫行走不定若重者隨血氣虛處則流注救腫赤色如火灼或成膿或乳母愛食煎燂辛熱致兒患此若遊走入腹入腎亦能殺人宜速治之用升麻黃芩連翹大黃朴硝水煎服又方用鬱金桔梗花粉甘草葛根薄荷煎服或用犀角消毒飲又方用生地赤芍當歸川芎荆芥防風黃芩煎服又方用慎火草杵爛敷之又方用馬齒莧杵爛敷之又方螺蛳肉搗爛絞汁塗上又水中苔敷上又藍葉杵爛敷上○又有風塊遊走徧體或赤或白或痛或癢由風熱毒於氣血相搏而生也用升麻葛根湯加荆芥薄荷

痲瘡

痲瘡俗名痞子其狀如粟粒芥子色赤而痒搔之亦能成瘡夏月多生頭面或徧體皆由盛熱汗出而腠理開被風熱毒氣干於氣血而生也用冰片一分黃柏五錢白麵二兩臘茶一兩俱為末以新綿搵藥撲破者敷之

黃水瘡

即浸淫瘡

皆由溼熱與氣血相搏而其瘡初生碎小後有膿汁浸淫漸大膿汁著處便溼爛成

瘡用二黃膏松香散敷之

二黃膏

雄黃

雌黃

川烏

松香

三錢俱為末

亂髮

一團燒灰存性

右以猪油六兩熬次入下三味煎至髮消盡以綿濾去滓入二黃攪勻磁器盛之塗瘡上

又方

松香五梛黃連海鱧鮑黃丹輕粉雄黃等分為末搽之如乾臘猪油調塗

天泡瘡

出風熱毒氣客於皮膚搏於氣血而生始生如湯盪作泡皮破漿出成瘡用地黃膏塗之

地黃膏

生地

升麻

藍葉

山梔

大黃

各一

右剉用猪油八兩文武火煎色變濾去渣磁器盛之塗患處

又方

柏葉搗汁半盞水解服之

又方

天泡瘡

用滑石青黛黃柏甘草各為末敷之乾則以柏葉汁調塗

湯盪火燒成瘡

切不可用冷物泥塗之恐令熱氣不出伏溜潰爛深傷筋脉用小粉炒黑為末麻油調塗又用風化石灰炒黃色地上出火毒麻油調塗又方先以好酒冷洗用雞子十個煮熟去白以黃炒焦黑取油一盞用生大黃末二兩調勻塗上又柏子房為末麻油調塗

撲墮損傷

人之氣血循身周流而無停止小兒有因墮床或高處墮下或打撲損傷致血氣失度隨損處瘀凝不散致寒熱疼痛舉動不能用活血散復元散如折傷用乳香沒藥紫木香臘糟雄雞熱血調攤紙上貼患處以布包外又以杉木薄板夾定又用布緊縛之骨折如舊

活血散

當歸

紅花

桃仁

甘草

柴胡

大黃

生地

蒲黃

水煎服

復元散

土鼈蟲

不拘多少用壁喜窠包蟲在內以紅花為末五分大仙人柴為末五分

上海千頃堂書局

古文錢火煨為末一錢 自然銅煨三次搗為末五分 乳香 沒藥各五分為末

右和勻每用二分空心好酒調下小兒一分

又方

半兩錢不拘多少火煨醋淬脆研細 麝香少許

右共為末每用一分好酒調下

治跌傷 用五爪龍草葉搗爛酒漿和貼

附驗方

巨勝子丸 補養氣血添精固髓久服種子

胡麻揀淨不見黑豆上蒸九蒸九晒淨生地酒拌九蒸九晒 兔絲子去沙酒洗淨童便浸二日搗為餅晒乾

肉苁蓉去中心焙乾 枸杞子人乳浸蒸焙 破故子五兩鹽杜仲五兩去皮童便水拌炒去絲

茯苓二兩五錢 當歸二兩五錢 牛膝五兩酒洗焙乾 麥冬一兩五錢去心焙乾

五味子一兩五錢 敲碎 人參中年四兩少年二兩童便浸焙乾

附子一箇重一兩二錢者用童便甘草防風煮透用漚紙裏慢火煨之

何首烏五兩竹刀刮去皮米泔浸一宿用黑豆上蒸豆熟為度去豆晒乾如此九次晒乾為末少年不用

右為末蜜丸如梧子大每用三錢空心白湯下

治腎虛腰痛

杜仲四兩鹽水破故子三兩鹽水川萆薢四兩四製米泔酒薑

胡桃肉煮八兩湯泡去皮再爛

右為末粘米糊為丸如梧子大每用三錢空心鹽湯送下以食壓之

萬應奪命散 治癰疽發背疔瘡無名腫毒喉閉

乳香置竹筒內煮沒藥製全丁香 木香 苦丁香 麝香各一錢

牛黃 蟾蜍各五錢血竭二錢巴霜五錢

右為末酒漿糊丸如黍大壯實人每用九釐瘦人七釐小兒三釐臨卧用温酒送

下便利三四次愈

八味蠟礬丸

明礬一兩蜜臘一兩牛黃 真珠 乳香 沒藥 硃砂各一錢

雄黃五分

先將蠟溶化離火下眾藥和勻眾手急為丸梧子大每用十九加至二十九温酒

送下日進三服

治驚風痰涎壅盛兼治瘧痢

麝香三分牛黃 巴霜 砂仁 真珠各五錢辰砂三錢留一

滑石三錢水飛

右為末飯丸如麻子大辰砂為衣每歲二三九薄荷湯下

截瘧方

大南星二個根上各挖開一孔用白砒末四錢置孔內兩星孔口對合以線扎定
泥封固炭火煨存性去泥為末用細茶白扁豆菜豆粉各一兩飛羅麵和為丸
黍大硃砂雄黃為衣每用二分臨發日五更送下

治痢疾 初起服之積盡即愈

雁蕩僧傳

大黃

肥良肉

各一兩用好酒五觔
熬乾再焙乾為度

右為末黃米糊丸如小豆大每用四錢空心生薑湯送下好酒亦可大小虛實

治疝氣偏墜小腸氣

薔薇子

黑丑

黃荔枝肉

橘核

川練子各一兩

吳茱萸

大茴香

檳榔

枳殼各五錢

木香三錢

右藥共為末神麩糊丸如梧子大每用二錢空心薑湯送下

真珠丸

治遺精白濁

真珠

一錢
另研 玉蛤蚧殼四兩

黃柏末

四兩
水炒 鹽

知母

四兩
水炒 鹽

右為末蜜丸梧子大青黛為衣每用二錢空心鹽湯送下

治善貢頭

一名軼廉

菜油 一兩 黃蠟 五錢 漉青 一錢 黃丹 五分 羊骨髓 一具

右藥同沙鍋內熬成膏紙上攤貼

又方

用蟹甲煨為末飛麵和勻醋調塗上或用千槌膏貼之

治凍瘡 多生兩耳手足

黃柏 白芨 白斂 等分

右為末先以童便洗淨以麻油調塗

治陰囊生瘡痒搔黃水出

礬燒枯 五梧 細茶硃等膩粉 少許

右為末先以醬水蔥白川椒煎湯洗之用藥敷上

又方

黃連 胡粉 酪 一枯礬

右為末敷之

治面上生瘡如火燒兼治火丹

冰片 三分 黃柏 木錢 輕粉 三錢

右為末淨猪膽調塗溼則乾摻

驗方

二十

上海千頃堂書局

又方

用鯽魚頭燒灰研末醬油調塗如出黃水乾糝上一日一易

治小兒口傍生瘡

枯礬

蛇床子 髮灰

黃連

故絮灰等分

右為末敷上

治咽喉一切諸病

五月五日午時取蝸牛十四條同陳白梅肉一兩研爛入大黃末礬燒火馬勃末各一錢研為丸如圓眼大每用一丸綿裏含化下或以淨水磨化灌之

治蛇咬

以人屎厚敷之用綿裏即消

治蜈蚣咬

以醋磨生錢汁塗之

治天蛇頭

蜈蚣

全蝎

雄黃等分

右為末

油調敷

治汗斑

殭蠶 貝母 硫黃

右等分為末薑片蘸藥擦

又方

蜜陀僧海鱧鮪硫黃等分為末薑片蘸擦

犬咬

先以小便洗用瓦上青苔屑按患處或牛糞塗之

杖瘡

大黃末水楊根蛭蚰如無用田螺肉同搗爛用白蘿蔔汁調以鷺翎擔上不可用熱湯浴又不可用冷藥

治刀斧傷

五月五日午時採芝麻葉連根蔥韭鹽醬石灰花椒一同搗爛如泥作餅貼壁上候乾為末聽用

治赤鼻

枇杷葉 白菓肉 芽茶 芭蕉葉酪四

右為末蜜丸如黍大每用二錢白湯送下

又方

用明礬煨如每用八分空心白湯送下

治詐腮 即腮腫

用薑汁猪膽好醋濃磨京墨頻塗患處使半一日不乾立退

加味道遙散

當歸

甘草

白芍

白朮

茯苓

柴胡

丹皮

山梔

生薑三片水煎服

痘疹傳心錄卷之十九 附種痘

松江李林馥啟賢氏重校

朱純嘏輯

瘦樵程永培校

痘疹原於胎毒

易曰大哉乾元萬物資始至哉坤元萬物資生夫乾為父資始者氣之始也坤為母資生者形之始也人之受氣於父成形於母是父精母血之毒已凝結於陽施陰受之時故曰胎毒不論富貴貧賤毒皆有之及兩間之雜氣交攻於五臟夫然後命門之胎毒外透矣始焉一點紅者血之色也血本水也天一生水地六成之水屬北方之坎在人身即腎也腎水充足而更得水火土金之氣相長相養而成氣與血焉是血之源於腎也明矣雖分屬於心生血肝臟血脾統血籍令腎中水枯則心何自而生肝何得而藏脾何從而統哉合之五臟同一氣血也故痘出齊之後次第起發其漿漸充漿者毒之所化也迨膿成則毒解矣漿轉褐色回水結痂之候痂結蒼蠟色此一十二日之成功也俗不論陰陽五行之正理且曰惟腎無候又曰痘之變黑始歸腎也此皆不經之談予不得已故著說以辯之

種痘採痂法

凡採痂須擇極順之症其險症逆症之痂斷皆不可用若春秋二季一月之痂可種若夏五六月半月之痂可種冬月嚴寒四五十日之痂亦可種蓋以寒則氣聚熱則

氣散故有不同耳

凡一歲之兒女可用痂三十粒於淨磁鍾內以柳木作杵研此痂為細木用潔淨棉花些須又用潔淨之水春秋溫用夏則涼用冬則略帶熱用滴三五點於鍾內乾則又加幾點總以研勻不乾捏成棗核樣以紅絲線拴定約留寸許長餘則剪去納於男左女右之鼻孔內線露在外以防吸上未滿一歲者種六個時辰取出若二三歲者十個時辰取出即十二個時辰亦可

種苗取出後約計五日而五臟傳遍至七日身必發熱發熱三日苗必現焉見苗三日而出齊出齊之後痘必次第長漿漿長三日而膿漿充足既曰足漿則回水結痂之候也以發熱三日應天時正二三月春令發生之時見苗出齊應四五月夏令長養之時長漿足漿應七八九月秋令成熟之時回水結痂應十月十一月十二月冬令收藏之時也若未出齊以及灌漿未足不妨多一日以象閏月此在人神而明之也

續補種豆之法乃後人之變法也其法造一銀管約長五寸其管之孔略小於鼻之孔可以入得鼻內先著痘痂末於管內對上鼻孔輕輕吹入鼻中此續補之一法又有以出痘之衣當長漿足漿三四日內痘氣充盛取其貼身裏衣與未出痘之兒女穿二三日夜間亦不脫下至九日十一日始發熱曾見七日發熱者十中不過一二

此乃衣傳然恐氣薄不透多有不熱不出若夫狂妄之輩挑破痘漿而作種者此乃不仁之人所為也

其種痘之法總以上好痘痂為之藉其陰陽天地之正氣以氣相傳順而又順凡一切麝香等味俱不用謹記謹記

痘苗取出三五日之後男左女右頸項之下與咽喉相隔不遠微有小疙瘩此痘苗將發之候也然此說不可一概而論亦有無疙瘩者其苗亦發若痘長漿之時必用藥催漿得漿充足疙瘩自消散若消散不盡勢必凝結而為痘毒矣

凡種痘甫及一歲者為上若長至五六歲者知識漸開未免任其性情不依調理不肯服藥難於種痘學種痘者當先知之

凡所種之幼雅男女必要辨別其精神夫所謂精神者面部有精采喜色明亮透達印堂山根年壽無青暗之色滿面紅光純粹者吉所謂神者兩目視瞻平正愈看有神至於神之完固乍見奇異而不驚就着熟識而必要神情安逸嬉笑自如更兼目有精光者吉若目無神思昏蒙倦怠者不種更要詳察其形氣夫所謂形氣者頭面胸背手足形也體之各具者也必要詳看其骨肉相稱肥不見肉瘦莫露骨肉色要緊微帶紫黑色者吉若鬆寬如發貓樣者不種所謂氣者體之充也天柱端正頸不歪斜手執物件把持有力站立懷中脚不倦怠小便遠而長腎囊緊小微帶紫黑色

癩癧傳心錄 卷十九
如荔枝殼者吉若形氣倦怠呼吸之氣不均勻出入粗細不一者不種 目無神者
面無喜色者 皮肉如發麵樣者 形氣瘦弱者 內有疳積者 病後虛弱者
吐瀉纔愈元氣未復者 渾身有疥瘡者 生大毒正氣未復者 聲音不亮并
不長者俱不可種

辨別七暈論

痘出而根脚有暈其名有七焉辨之不可不早也痘粒之共圓者氣充也實也痘粒
之平塌者氣弱也虛也若以暈言之老紅也紅紫也紅紫乾枯也淡紅也焦紅也鋪
紅也淡白也此七暈之分別也其中有順險逆之分焉

老紅者暈色紅而老不嬌妖也不閃爍也不乍紅而乍淡也亦不帶紫也此老紅之
暈必發熱三日而始見痘苗也身體必平和不甚熱也必能飲食也二便必調也精
神必清爽也此順症也痘出必稀疏即多有百十粒亦順症也

紅紫者痘色深紅而帶紫也必發熱二日即見痘苗也身必熱微煩燥也當以敗毒
和中散主之看其出齊即用清毒活血湯催其長漿漿足亦歸於順

紅紫乾枯者初見痘苗即見如此暈脚其症多係逆症必發熱一日即見痘苗報痘
必稠密必大熱蒸蒸煩燥昏沉不省人事唇焦口渴此危症也其症多不可救若大
便結燥二三日不解小水短溢又黃此毒火內盛急宜下之以清其毒火仍宜用敗

毒和中散加熟大黃以利之毒火必從此而少減看其出齊即以清毒活血湯催其長漿向之所謂紅紫乾枯者今見根脚紅活漿在汎起此尚可救若仍復乾枯不見起長不見泛漿加之身熱蒸蒸煩燥頓悶譫昏沉不省人事不思飲食痘乃平塌中有黑臍此必不可救也

淡紅者暈脚四圍淡紅有嬌嫩之色以紙燈照之若有紅色若紅色不定將來必變淡白色此乃氣血俱虛若初見痘苗之時見此淡紅暈脚寒涼之藥切不可用倘或身不退熱微有煩躁宜用敗毒和中散去苓連紫草茸加羌活蘇葉白芷以托其苗俟其出齊以十金內托散催其長漿漿足仍歸於順若先誤用寒涼暈轉淡白急用參歸鹿茸湯以救之緩則成灰陷矣此淡紅之暈易於變淡白不可不知

焦紅者初見痘苗頂乃先焦根脚紅紫有芒角不見滋潤暈脚不圓且又帶紅紫乾枯此乃毒火內盛若初見痘苗急用敗毒和中散倍加苓連紫草茸以托之俟其出齊熱不減不能食兼之神昏不省人事煩躁頓悶水漿不入則不可救矣倘或熱少減神氣稍清能食不甚躁煩急以清毒活血湯催其長漿若漿足仍可歸順此在神而明之存乎其人也

鋪紅者痘無紅暈痘粒淡白通身皮肉盡紅故名曰鋪紅良由毒火內盛氣不能統血散漫於皮膚之間也若神清能食痘稀疏者可治若人事昏沉則不可救矣

淡白者痘之根脚四圍無一絲紅色止見有淡白之痘而亦不見其有暈也蓋因氣血兩虛或因久病之後或因吐瀉之後或因生母有病以致折乳或因內有積患或因生大毒膿血出多元氣傷洩之後故出此淡白之痘初見痘苗宜用加味參蘇飲以托之俟其出齊即用千金內托散催其長漿如或漿不足即用參歸鹿茸湯以催之今日不足來日再催予曾治此等氣血兩虛之症竟至一十二日成滿漿者今之庸醫見八九日漿不滿而平塌者盡委而去之皆因內無學問知識平常未見久吾聶氏活幼心法之書又不能親敬高明未免自以為是予業痘疹有年此七等之暈辨別極其詳細得之於心而應之於手雖前哲未曾分晰明言今特表而出之以開示後學沉潛玩味廣其知識一臨此等七暈之症內有一定之主意外用合宜之藥味舉斯世之幼穉咸出險途而躋壽域豈非仁人君子之存心哉

逆症一十三條論

蒙頭一也面部身上及手足俱稀疏獨頭上以至髮際形若蠶種此逆症也若稠密有地界又當別論

蓋面二也他處俱稀疏獨面上形若蠶種無絲毫空處此逆症也若稠密有地界又當別論

托腮三也他處俱稀疏獨兩腮頰及地角相連一片形若蠶種此逆症也若稠密有

地界又當別論

鎖項四也他處俱稀疏獨項間形若蠶種無絲毫空處此逆症也若稠密有地界又當別論

雲錦鋪胸五也他處俱稀疏獨胸前一處上連咽喉之下下及兩乳之間形若蠶種此逆症也若稠密有地界又當別論

雲錦鋪肩六也他處俱稀疏獨兩肩及後頸窩形若蠶種此逆症也若稠密有地界又當別論

前後補服七也他處俱稀疏獨心窩之下肚臍之上脊背鳳翅骨之下脊後腰之上前後如職官穿補服樣或方或圓一片形若蠶種此逆症也若稠密有地界又當別論
斷橋八也他處俱稠密不分地界獨脊背腰之上下及臍之上下前後不見痘粒此逆症也猶橋之有梁而中斷也若上下別處所出之痘有地界猶可望生又當別論
豎蟄瘟九也偏身上下痘出稠密不分地界惟胸腹之間不見痘粒有似於豎蟄形狀故名豎蟄瘟此逆症也若稀疏又當別論

無根十也通身上下痘俱稠密不分地界獨兩手心兩足心無痘蓋以手足為諸陽之本陽絕則兩手心兩足心皆不出痘此逆症也若通身出痘稀疏又當別論不得拘泥於此也

枯樹挂蛇十一也有單挂有雙挂有挂在手肱者有挂在腿股者他處俱稀疏獨挂處如蛇形而纏繞之密如蠶種此逆症也倘稀疏有地界又當別論

束帶橫腰十二也他處俱稀疏獨後腰及腰周圍如束帶形密如蠶種闊不過二寸此逆症也倘或稀疏又當別論

形如瓜瓠十三也痘初見標尚未出齊以及將出齊之際痘未見起發而面部腮頰以及兩目俱皆腫脹形如瓜瓠此毒氣內盛先攻脾肺此逆症也煩躁頓悶昏沉不省人事者決不可救

痘分十二論

治痘計日有一十二日之期乃按天時十二個月令也其中有至理存焉發熱三日應天時正二三月也見苗以至出齊應四五月也長漿以及足漿應七八九月也回水結痂應十月與十一月也此一定陰陽造化之權衡也世人不明陰陽造化之理而乃除去發熱三日不算乃於見痘苗之日算起乃曰出三日長三日灌漿三日回水結痂三日是將十五日作十二日也何其不明之甚也若曰出三日者無大關係猶可混得過去若謂長三日則長何物殊不知長者長漿也既云長漿又曰灌漿不亦重疊而言之乎庸醫執此當長漿三日之際總不言漿且曰長得痘之顆粒好亦不用藥催漿及後面部轉褐色乃回水之候彼方用藥催漿痘不甚稠密尚

可延推若毒火內盛及氣血虛弱鮮有不悞事者此皆長三日之一言悞其時日不能催其長漿以致膿漿不成變症蜂生雖有明醫難保其後矣或問之曰子言一十二日必連發熱三日而算以合天時正二三月也若痘出稠密倘為風寒所束出得遲滯三日不能出齊者有之子今乃曰見苗以至出齊應四五月倘後之業幼科者遵子之定論不待其出齊而用藥催漿不亦失之於太早乎予應之曰善哉爾之問也既云出痘按一十二日之期應天時一十二個月令有春令發生夏令長養秋令成熟冬令收藏之義焉倘未出齊遲一日以象閏月也若明此閏月法則長漿不能及時充滿亦可遲一日以象閏月則痘漿未有不成者也予故曰其中有至理存焉何前代名醫於此不深講究也今特表而出之以與業幼科者共明此一十二日之至理也

痘科緊要成方

藥之分兩多少俱以半歲孩童為式大者添之再小者減之

加味升麻葛根湯

白粉葛

錢一升

升麻

三分

小川芎

六分

蘇葉

六分

桔梗

六分

牛蒡子

五分

炒香研碎

防風

七分

去蘆甘草

二分

生薑

三分

同煎熱服取微汗

歌曰 升麻葛根湯十味赤芍防芎甘桔是山查蘇葉及牛蒡體氣壯強斯藥治

加味參蘇飲

此乃初發熱時所用之加味參蘇飲也

人參二分或無亦可蘇葉七分前胡一錢小川芎分山查肉分桔梗五分

白茯苓八分去皮分白粉葛分陳皮七分半夏三分牛蒡子五分炒香研碎

甘草二分生薑三分同煎熱服取微汗

歌曰 加味參蘇白茯苓前陳甘桔半芎平牛蒡查肉和乾葛體氣虛羸用此靈

以上二方即是傷感而非痘疹服之亦無妨

敗毒和中散

連翹心研碎 防風七分荆芥七分黃連一分牛蒡子七分製

桔梗六分陳枳殼五分前胡一錢紫草茸五分小川芎七分

升麻三分木通七分蟬蛻十二隻洗淨晒去頭足 麥門冬一錢去心

甘草二分生薑一分燈心五十寸同煎服

如大便秘澀加酒炒大黃八分微利之不秘者勿加 如毒火盛加酒炒黃芩

二分

歌曰 敗毒和中翹桔草牛蟬前麥芎連好通麻苓殼紫荆防便秘蒸黃微利早

升消平胃散

小川芎分香附一錢蒼朮六分紫蘇七分厚朴六分薑

砂仁五粉白芷六分陳皮六分麥芽八分山查八分甘草二分

藿香五分

煨薑三片同煎帶熱服

歌曰 升消平胃朴陳芽白芷蘇芎藭附砂吐瀉內傷兼腹痛須加蒼朮草山查

參砂和胃散 即香砂六君子湯

人參 三分 蘆砂仁 研分 半夏 五分 陳皮 六分 白朮 一錢 炒 去蘆 白茯苓 八分 炒 去皮

藿香 六分 甘草 三分 煨薑 去皮 三片同煎服

歌曰 胃氣中虛嘔吐頻參砂和胃散尤靈陳皮白朮煨薑引藿半隨甘白茯苓

朮苓調脾散

白朮 一錢 炒 去蘆 白茯苓 八分 真神麩 八分 炒 白芍 六分 炒 酒

白扁豆 八分 薑汁 浸去殼炒 砂仁 六分 研 香附 七分 厚朴 六分 薑汁 炒

甘草 三分 炒

或加人參 三分 煨薑三片大棗一枚去核同煎服

歌曰 脾土中虛泄瀉作朮苓調脾扁豆朴砂仁草附或加參神麩煨薑炒白芍

清解散

防風 七分 荆芥 七分 蟬蛻 十二隻 去頭足 桔梗 六分 小川芎 七分 前胡 一錢

連翹 七分 乾葛 八分 紫草茸 五分 研末 升麻 五分 木通 七分 黃芩 酒炒

山查肉 八分 牛蒡子 七分 同前製 黃連 二分 炒 甘草 三分 生 生薑三片同煎溫服

歌曰 清解荆防升葛通芎連甘桔茸川芎前胡蟬蛻蒡翹共查肉生薑引有功

蘇解散

防風 七分 荆芥 七分 蟬蛻 十二隻去頭足 桔梗 六分 小川芎 七分 前胡 一錢

乾葛 八分 升麻 五分 紫草茸 五研粉 木通 七分 紫蘇 七分 連翹 五去心

牛蒡子 五分製 白芷 七分 羌活 五分 山查肉 八分 甘草 二分生

生薑 三片 同煎帶熱服

歌曰 蘇解前羌白芷同荆防升葛紫翹功牛蒡蟬蛻山查肉甘桔淮通及撫芎

溫中益氣湯

人參 五分 白朮 一錢 黃耆 八分生 防風 七分 當歸身 七分洗 白茯苓 八

南木香 八分 川芎 七分 山查肉 八分 白芷 七分 官桂 二分 甘草 三分炙

生薑 一片 大棗 一枚 去核同煎服

歌曰 溫中益氣用生耆參朮歸身官桂宜白芷防芎查肉草木香應與白苓俱

調元化毒湯

歸黃耆 一錢 當歸身 八分洗 牛蒡子 炒研 人參 三分

白芍 酒洗 連翹 七分去心 木通 七分 黃芩 酒炒 黃連 酒炒 防風 七分 荆芥 七分

桔梗 六分 前胡 二錢 蟬蛻 十二隻去頭足 紅花 三分 紫草茸 五分 酒洗

生地黃 酒洗 山查肉 一錢 甘草 二分生 去皮 生薑 一片 同煎溫服

歌曰 調元化毒參耆芍紅紫牛蠟荆芥著歸地前通查肉翹苓連草桔防風度
加減參蘇飲 與前加味參蘇飲不同

蘇葉一錢 人參二分 陳皮七分 羌活六分 小川芎八分 防風七分 荆芥七分
桔梗五分 白芷六分 甘草二分 生去皮 冬月加麻黃三分

生薑三片同煎熱服但不可出汗

歌曰 驚搐休云作等閑風寒外束出艱難參蘇羌芷芎防芥甘桔陳麻笑解顏
平和湯

人參三分 當歸六分 桔梗六分 白芍五分 紫蘇六分 黃耆一錢 防風七分
白芷七分 官桂二分 沉香二分 檀香二分 藿香二分 乳香二分 心同研

生薑一片同煎溫服

歌曰 穢氣相衝不可當教君急用平和湯參耆歸芍蘇防芷桂桔沉檀乳藿香
薑附湯

白附子錢老生薑錢 濃煎湯灌下一二酒杯出微汗即愈

歌曰 痘出傳風眼直斜牙關緊閉襲風邪此時勿用驅風藥白附薑煎汁當茶
清毒活血湯

紫草茸 研分 當歸 八分 酒洗前胡一錢 牛蒡子 炒研分 木通七分 桔梗六分

生地黃酒洗

連翹去心

人參去蘆 生白芍酒洗

黃芩酒炒

黃連酒炒 生黃耆五分

甘草二分 生

山查去核

生薑一片 同煎服

煩渴者去參者加麥冬一分 去心五分 花粉七分

歌曰 清毒活血紫參者牛子當前白芍宜生地苓連翹桔草山查薑引木通提

參歸鹿茸湯此方有起死回生之力

鹿茸三錢 酒塗炙稍 嫩絲黃耆五錢

甘草五分 人參三錢 去蘆當歸身 酒洗

薑一片好龍龍眼肉三個同煎去渣入好酒一杯溫服

兒能飲酒者濃煎藥汁與酒相半和服亦好

如困倦手足冷飲食少者加廣木香三分公丁香三分官桂三分砂仁三分

如漿不足九十日之間或有作寒戰咬牙者再加官桂二分熟附子三分

如大便泄瀉膿發難成去當歸加麵炒白朮一錢酒炒白芍七分白茯苓八分

木香三分丁香二分肉桂二分肉豆蔻五分麵裹煨熟搥去油用柯子肉二分

煨熟

倘瀉不止另用參朮散 兼用七味豆蔻丸

歌曰 參歸鹿茸用三錢蜜炙黃耆貴嫩絲甘草炮來薑一片福元好酒服安然

千金內托散

人參五分當歸身酒洗嫩絲黃耆二錢五分大川芎分山查肉錢

南木香三分白芍五分官桂三分防風七分白芷七分厚朴分甘草三分

生薑一片好龍眼肉三個同煎入好酒和服

隨症加減法同參歸鹿茸湯

歌曰 千金內托十二味歸芍參耆防芷桂木香甘草及川芎厚朴山查薑酒是

參耆湯

人參分一錢五黃耆三錢官桂五分甘草一錢生薑一片同煎溫服

歌曰 血泡通紅不作漿惟有參耆四味湯炙草一錢官桂五管敬服藥得安康

參麥清補湯

人參五分麥門冬蒸曬乾白花粉蒸曬乾前胡一錢生黃耆三錢

牛蒡子炒研炙甘草分生甘草分酒炒白芍五分生白芍分三

當歸身酒洗紅花酒洗大川芎分桔梗七分生地黃酒洗

山查去穢生薑一片好龍眼肉三個同煎頻頻溫服

歌曰 參麥清補甘草芍半生半熟紅花著生耆歸地桔川芎花粉前蒡查肉度

梔連二陳湯

黃連三分白茯苓分梔子分半夏三分炙甘草二分

陳皮五分

生薑一片同煎緩服吐止勿服

歌曰 行漿作吐兩般云毒火極連合二陳困倦參砂和胃散其間痘色要分明

加味四苓散

猪苓七分 木通七分 澤瀉八分 黃芩五分 酒炒 黃連二分 酒炒 赤茯苓七分 牛蒡子五分 研

車前子炒 燈心五十寸 同煎食前服

歌曰 行漿作瀉甚難當小便紅黃毒氣獨加味四苓車木共苓連牛子一齊嘗

參木散

白朮一兩用裏白無 人參五錢 砂仁炒 白茯苓五錢 炙甘草五錢

南木香錢 廣陳皮四錢 洗淨 山查肉炒 家蓮子五錢 炒

肉豆蔻四錢 裏煨熟去麩 柯子肉四錢 煨 真神麩五錢 炒

薏苡仁五錢 炒熟

共為極細末每用二錢清米飲調食前溫服兒有不肯服者入稀粥內和服可

歌曰 參苓砂草薏苡仁蓮肉山查五麩神南木三陳柯蔻四其間白朮兩分明

七味荳蔻丸

肉荳蔻五錢 製 柯子肉五錢 煨 白龍骨五錢 煨 南木香五錢

赤石脂七錢 煨 枯白礬錢 砂仁炒 錢

麵糊為丸如菉豆大每服用清米飲下或二十九或三十九量兒大小與之兒有不能吞丸者將丸研碎化入粥內服之亦可

歸者湯

當歸身三錢黃耆二錢酸棗仁一分炒研白水煎服

歌曰 漿足身涼汗不止惟有歸者酸棗是

養胃開疾湯

人參一錢白朮一分炒五白茯苓錢桔梗五分家蓮肉心炒去

山查肉錢山藥錢炒一陳皮八分半夏五分薑製甘草五分生薑一片同煎溫服

瀉漿時忌用朮苓半夏恐其燥乾津液膿漿不行也至將靨時可用矣

渴者去半夏加麥冬一錢北五味研碎吐逆者加藿香分砂仁炒研分

此時有效逆者乃胃氣上越也取真黃土鼻邊聞之立止

歌曰 養胃開痰參朮草茯苓山藥山查寶蓮肉陳皮半夏桔奇渴服麥冬五味早

若還吐逆藿香砂黃土鼻間須論討

建中湯

人參三錢黃耆三錢乾薑五分肉桂五分當歸身錢大川芎八分白朮一分炒五

公丁香五分大附子五分製熟甘草三分生薑一片同煎溫服

歌曰 咬牙寒戰建中湯參朮黃耆熟附當肉桂炮薑須炙草川芎薑引用丁香
溫表調中湯

黃耆分錢五

人參去蘆白茯苓錢一白朮土一煨官桂三分大川芎分

防風五分白芷五分丁香三分當歸身分乾薑五分熟附子分炙甘草分

生薑一片同煎溫服

歌曰 溫表調中參朮耆丁香熟附桂當歸茯苓甘草乾薑共白芷防芎一處施

清表散毒湯

地骨皮錢一麥冬分去錢五

花粉酒一煨牛蒡子分

連翹去心

當歸八分猪苓七分澤瀉七分黃芩酒分甘草生三分

水煎溫服

歌曰 清表散毒地骨冬牛蒡花粉草翹宗炒苓澤瀉猪苓共歸與同煎用木通

消毒散血湯

牛蒡子炒一錢

生白芍酒六分

桃仁去皮共

大黃酒一錢

乳香五分同分研

沒藥三分紅花酒五分

水煎溫服

歌曰 曆時腹痛著中腕消毒散血湯莫緩炒過桃仁熟大黃紅花沒乳芍牛上

清毒保目湯

柴胡一錢連翹去心梔仁炒黃芩炒荆穗七分防風七分赤芍七分

牛蒡子七分

蟬蛻十二隻去頭足當歸八分甘草三分川芎七分

升麻五分薄荷五分桔梗八分引用燈心五十寸

歌曰 清毒保目荷柴蟬翹桔荊防赤芍緣升麻牛子歸芍草酒炒梔苓降火全

大連翹飲此方內涼藥多俱要製過斟酌用

連翹去心一錢牛蒡子炒七分

山梔子酒炒五分

柴胡去蘆八分當歸八分

赤芍七分防風七分

木通八分

荊芥七分

黃芩酒炒七分

滑石末五分

蟬蛻去頭足十二隻

車前子炒八分

甘草三分生去皮

生薑一片同煎服

大便秘加酒炒大黃一錢微利之

歌曰 大連翹飲炒梔苓柴滑荊防赤芍勻通牛蟬蛻歸車草便秘蒸黃著意尋

補中益氣湯此方專治痘後元氣虛弱者

人參五分

黃耆一錢蜜炙

白朮土炒八分

柴胡五分

升麻五分

陳皮七分

歸身八分

甘草三分

生薑一片同煎溫服

虛渴者加麥門冬一錢去心五味子九粒研碎寒熱似瘧者加炒白芍五分製

半夏五分

歌曰 參耆歸朮升陳柴草

元參升麻湯

元參一錢 升麻五分 防風七分 荆芥七分 牛蒡子炒研 甘草三分生

水煎溫服 有夾麻疹而出者加桔梗七分 酒炒黃芩七分 同煎服

歌曰 赤點紛紛號夾斑 如雲突起又名丹 碎碎紛紛名夾疹 三症分明在此間

升元湯 草牛防芥夾疹須知苓桔關

參耆實表湯 此方專治瘡疹者

人參五分 蘆黃耆一分 蜜炙五分 甘草三分 官桂三分 防風七分 白芷七分

川芎七分 當歸七分 桔梗五分 南木香三分 厚朴五分 生薑一片 同煎溫服

歌曰 參耆實表保元湯 官桂芎防芷 朴當甘桔木香薑 作引氣虛作癢賴安康

參歸大補湯

人參五分 當歸八分 蜜炙黃耆一分 川芎七分 桔梗五分 蜜炙甘草三分

山查肉八分 紫草茸研 南木香三分 防風七分 白芷七分 厚朴六分 生薑一片

生薑一片 同煎溫服

此方專治痘不起脹而面目頸項腫如瓜瓠 此危症也 急以此方連進二三劑

治之必要腫消痘起方有生機

歌曰 參歸大補火黃耆 紫茸川芎白芷宜 桔梗山查防厚朴 木香甘草用休遲

四聖膏 治痘疔 聖藥

珍珠生研豌豆燒存性亂髮燒灰水片各等

用油胭脂和成膏先將金銀簪撥開行口將藥填入行內即紅活

拔毒散此散治疔及賊疽紫浮萍其效如神

明雄黃 不拘多少研細末又將滾白水泡髹胭脂取濃汁調點疔頭上

三豆漿數痘毒聖藥

黑豆 萊豆 赤小豆

各一合研爛為末用醋研濃漿時時以鷲翎掃之紅腫退去其效如神

生肌散

地骨皮 黃連炒 黃柏炒 五倍子 生甘草各等分 共為細末乾摻之

髹繭散治餘毒流注各處出清水者

出蛾繭繭不拘多少用生明礬末填在內燒令汁盡成灰為末乾摻之

髮灰散治痘出未齊而鼻衄不止

用少壯無病人亂髮不拘男女用肥皂洗盡油垢氣又用溫湯洗淨肥皂氣焙

乾量髮多少用新瓦罐一個將髮填入內令滿用淨瓦片蓋口鹽和泥封之又

全封瓦罐曬乾用木炭火圍確一半煨一炷香久取出候冷其灰成塊研令極

細每用二錢童便七分酒三分調服立止輕者只用灰吹鼻亦止

此方極妙不惟可用之痘瘡凡諸血症皆可用

清肺湯

花粉酒炒錢麥門冬分去心錢 天門冬一錢去心皮酒蒸 桔梗六分當歸尾一錢酒洗不用

生白芍七分酒洗 黃芩酒炒分知母七分蜜炒丹皮酒洗七分甘草三分生

生薑一片同煎服 人髮灰一錢調服尤妙

歌曰 毒氣薰蒸鼻流血毒氣亦因從血泄天麥丹皮知母芩當歸白芍花甘桔

清上飲

薄荷七分防風七分桔梗六分連翹七分白粉葛錢牛蒡子分麥門冬一分去心錢

黃連酒炒分黃芩酒炒分花粉酒炒分甘草三分生 生薑一片同煎溫服

歌曰 口舌生瘡名熱毒細察痘苗分所屬清上荷防草麥牛芩連花葛桔翹逐

赴筵散

薄荷葉三錢蘇州者佳 黃桔五錢川中者佳 各等分為末入青黛一分和勻搽之

利咽解毒湯

山豆根伍分麥門冬一分去心錢 牛蒡子炒錢 元參一錢 桔梗一錢

防風七分甘草五分生薑一片同煎食後良久分二三起緩緩溫服

歌曰 利咽解毒麥元參甘桔防牛山豆根

五鎖匙

硼砂一錢 朴硝五分 殭蠶三條 片腦一分

共為細末以竹管吹之

導赤散

木通一錢 赤茯苓分 車前子微燬

麥門冬五分 生地一錢 甘草三分

人參二分去蘆

燈心五十寸同煎饑時服

清毒撥醫湯

黃連酒炒 當歸酒洗 花粉七分 桔梗七分 川芎七分 防風七分 薄荷七分

柴胡八分 牛蒡子炒分

草決明研分

羌活五分 甘菊花分

蜜蒙花分 白蒺藜研去刺

穀精草分 川木賊生 地黃五分

白粉葛分 山梔子酒炒

生薑一片同煎食後良久服

大便秘澀者加酒炒大黃一錢五分通仍除之

歌曰 清毒撥翳草連梔牛賊蒙精決蒺藜生地羌防柴菊葛川芎花粉荷當歸

痘與疹避忌

避穢氣

腋下狐臭氣 房中淫液氣 行遠勞汗氣 溝糞濁惡氣 婦人經候氣

諸瘡腥臭氣 砒硫蚊烟氣 誤燒頭髮氣 吹滅燈燭氣 柴烟魚骨氣

慈蒜韭薤氣 煎炒油烟氣 醉酒葷腥氣 麝香燥穢氣

守禁忌

生人往來 詈罵呼怒 對梳頭 對搔癢 勿掃地 勿對荒言

勿使僧道師巫入房 勿對飲食譔樂

以上諸避忌謹之則重可變輕不謹則輕變重矣

小兒相法

欲知小兒壽夭當於相法推詳若夫富貴貧賤善惡窮通雖由祖父之積德累仁有以栽培善根而富貴通達隨之而至然能膺此福澤其形容氣質天資穎悟必有大過人者所謂天之報施不爽也 聲喜清曉悠長最忌豺狼音韻聲如病猫不壽又喜聲如洪鐘氣能接續 頭欲圓有骨格前天庭宜高聳日月角宜峻峭兩旁頭角要崢嶸頭後枕骨分品字偃月 髮長宜稀而黑髮際宜高不宜低 五官宜正不喜歪斜 人中宜深地角宜方而圓 眉喜清秀而高 眼喜黑白分明視瞻平正一身之精神全在兩目決斷最嫌雞眼羊眼以及斜視上下露白更加昏矇無神俱非吉兆 耳愛有垂輪廓分明 鼻喜端正豐厚如垂膽如截筒 口宜闊大切忌吊唇 面要豐滿大怕偏陷 身肥胖不喜純見乎肉必要骨格相稱且肥胖者肉宜緊密不喜如發麵模樣色雖白必要帶些紫黑色 身瘦削不喜脊骨稜崢必要

肉勝於骨 腎囊宜緊細紫色如荔枝殼者壽寬大白色者多疾 又有看小便之法若小兒尿得遠且又長此長壽之徵也若尿最近乃腎氣不充必不壽 手腕宜長手指宜纖手背宜厚 足骨宜短足背宜厚 肩欲平正背脊及腰俱喜豐滿 臍窩宜深 腹要下垂 鼻梁不喜帶青色紅黃色最吉青色主有疾 兩嘴角宜朝上不宜平而向下 男子八個月長門牙女子七個月長門牙先長下牙者吉 凡男女能享長年良由幼小之時形容體格有以基之斷非僥倖勉強而致之者矣

余既刻朱濟川痘疹傳心錄因思種痘一法得以預為調理乘春秋之和與過冬夏之寒暑不使風寒外侵飲食內積故其所施百不失一暇日流覽醫書如赤水元珠張氏醫通間有附載皆不甚詳茲見朱純嘏痘疹定論彼以種痘知名官太醫二十五年南自豫章以至鴨綠江北各隨土地施治無不奏功其技妙入神矣此書曾刊于康熙癸巳時年已七十八採痂下苗諸法俱備有發前人所未發并種法之不可少者悉照原本以付剞劂附于痘疹傳心錄之後至于調治用藥乃遵聶久吾活幼心法不出朱濟川之範圍故不復採益種出者與自出者同治耳讀是書者毋以兩科歧視可也

乾隆丙午仲春瘦樵程永培志